

আমাদের গ্রাম

ভূমিকা:

আমাদের গ্রাম হলো শান্তি আর ভালোবাসার এক জায়গা। এখানে গাছপালা, খোলা মাঠ আর প্রকৃতির মধ্যে আমরা সুখে-শান্তিতে বসবাস করি। আমরা সবাই গ্রামের মানুষকে ভালোবাসি।

অবস্থান ও যাতায়াত:

আমাদের গ্রাম রাজশাহী জেলার একটি ইউনিয়নে অবস্থিত। গ্রামের পাশে একটি নদী বয়ে গেছে। এখন পাকা রাস্তা হওয়ায় শহর থেকে সহজেই গ্রামে আসা যায়।

জনসংখ্যা ও পেশা:

গ্রামে প্রায় পাঁচ হাজার মানুষ থাকে। বেশিরভাগ মানুষ চাষাবাদ করে। অনেকে দোকান চালায়, কেউ চাকরি করে, আবার কেউ কেউ বিদেশেও কাজ করে।

শিক্ষা ও ধর্মীয় প্রতিষ্ঠান:

আমাদের গ্রামে দুটি প্রাথমিক বিদ্যালয় এবং একটি মহিলা মাদ্রাসা আছে। শিক্ষার্থীরা মন দিয়ে লেখাপড়া করে। এছাড়া একটি মসজিদ আছে, যেখানে গ্রামের মানুষ নামাজ পড়ে। শহীদদের স্মরণে একটি শহীদ মিনারও আছে।

হাট-বাজার:

গ্রামে সপ্তাহে একদিন হাট বসে। সেখানে চাল, ডাল, সবজি, মাছ, মাংস, কাপড়সহ অনেক দরকারি জিনিস পাওয়া যায়। গ্রামের হাটে অনেক লোকের ভিড় হয়।

যোগাযোগ ব্যবস্থা:

আগে গ্রামের রাস্তা ভালো ছিল না, এখন সব রাস্তা পাকা হয়েছে। বিদ্যুৎ এসেছে, টেলিভিশন চলে। কিছু কিছু বাড়িতে মোবাইল ও ইন্টারনেটও আছে।

প্রকৃতি ও সৌন্দর্য:

আমাদের গ্রাম খুবই সুন্দর। চারপাশে সবুজ গাছ, ফসলের মাঠ আর নদীর পানি মন ভালো করে দেয়। পাখির ডাক আর ফুলের ঘ্রাণে মন ভরে যায়।

উপসংহার:

আমাদের গ্রাম ছোট হলেও আমরা একে খুব ভালোবাসি। এখানকার মানুষ একে-অপরকে সাহায্য করে, মিলেমিশে থাকে। আমরা আমাদের গ্রামকে গর্ব করে ভালোবাসি।

বাংলা

চতুর্থ শ্রেণি

সংবাদপত্র

ভূমিকা:

সংবাদপত্র আমাদের খবর জানায়। পৃথিবীতে প্রতিদিন অনেক কিছু ঘটে। এই সব খবর আমরা সংবাদপত্র পড়ে জানতে পারি।

সংবাদপত্রের উদ্ভব:

অনেক আগে সংবাদপত্র ছিল না। তখন মানুষ মুখে মুখে খবর জানত। অনেকের মতে ইতালির ভেনিস শহরে প্রথম সংবাদপত্রের প্রচলন হয়। কারো কারো মতে চীন দেশেই প্রথম সংবাদপত্র প্রকাশিত হয়। ১৮১৮ খ্রিষ্টাব্দে ভারতে 'সমাচার দর্পণ' নামে বাংলা ভাষায় প্রথম সংবাদপত্র প্রকাশিত হয়।

সংবাদপত্রের কাজ:

সংবাদপত্র আমাদের দেশে-বিদেশে কী হচ্ছে, তা জানায়। এতে নানা ধরনের খবর থাকে— যেমন: রাজনীতি, খেলা, শিক্ষা, চাকরি, বাজারদর, আবহাওয়া ইত্যাদি।

বাংলাদেশে প্রকাশিত সংবাদপত্র:

বাংলাদেশে অনেক সংবাদপত্র প্রকাশিত হয়। যেমন: দৈনিক ইত্তেফাক, দৈনিক সমকাল, দৈনিক প্রথম আলো, দ্য ডেইলি স্টার, জনকণ্ঠ ইত্যাদি। ইংরেজি সংবাদপত্রের মধ্যে 'The Sun', 'The Daily Star', 'The Bangladesh Times' ইত্যাদি উল্লেখযোগ্য।

উপকারিতা:

সংবাদপত্র অনেক উপকার করে। এটি মানুষকে জানায় কী ঘটছে। সরকার ও জনগণের মাঝে যোগাযোগের কাজও করে।

অপকারিতা:

কখনো কখনো সংবাদপত্রে মিথ্যা বা ভুল খবর ছাপা হয়। এতে মানুষ বিভ্রান্ত হয়। তাই সঠিক খবর জানা দরকার।

উপসংহার:

সংবাদপত্র আমাদের জীবনের এক গুরুত্বপূর্ণ অংশ। আমরা যেন প্রতিদিন ভালোভাবে সংবাদপত্র পড়ি, তা আমাদের অনেক কিছু শিখতে সাহায্য করে।

মাতাপিতার প্রতি কর্তব্য

ভূমিকা:

পৃথিবীতে মা-বাবা আমাদের সবচেয়ে আপন মানুষ। তারা আমাদের অনেক কষ্ট করে বড় করে তোলেন। তাই আমাদের উচিত মা-বাবার কথা শুনে চলা ও তাঁদের ভালোবাসা।

মাতা-পিতা আমাদের লালন-পালনকারী:

আমরা যখন ছোট ছিলাম, তখন মা-বাবা আমাদের দুধ খাইয়েছেন, ঘুম পাড়িয়েছেন, ভালো করে রেখেছেন। তারা সারাজীবন আমাদের সুখ-দুঃখে পাশে থাকেন।

মাতা-পিতা আমাদের প্রথম শিক্ষক:

মাতা পিতার কাছ থেকে আমরা প্রথম শিক্ষা লাভ করি। আমরা “মা”, “বাবা”, “ভাত”, “পানি” এসব শব্দ প্রথমে মা-বাবার কাছ থেকে শিখি। তারা আমাদের ভালো কথা বলেন, খারাপ কাজ থেকে দূরে রাখেন।

মাতা-পিতা আমাদের পথ প্রদর্শক:

বড় হওয়ার পর আমরা যেন ভালো মানুষ হই, সে জন্য মা-বাবা আমাদের পথ দেখান। তারা আমাদের ভালো কাজ করতে উৎসাহ দেন।

ধর্মীয় শিক্ষা:

সব ধর্মই মা-বাবার কথা মানতে বলা হয়েছে। ইসলাম, হিন্দু, খ্রিস্টান সব ধর্মে মা-বাবাকে ভালোবাসতে বলা হয়েছে।

আমাদের কর্তব্য:

আমরা যেন সব সময় মা-বাবার আদেশ মানি, কথা শুনি, তাদের কষ্ট না দিই। লেখাপড়ায় ভালো করলে মা-বাবা খুশি হন। আমরা বড় হয়ে যেন তাঁদের পাশে থাকি।

উপসংহার:

মা-বাবা ছাড়া কেউ আমাদের এত ভালোবাসে না। তাই আমরা তাঁদের যত্নে রাখব, ভালোবাসব এবং সব সময় তাদের কথা শুনব।

আমার প্রিয় শিক্ষক

ভূমিকা:

আমাদের স্কুলে অনেক ভালো শিক্ষক আছেন। কিন্তু আমার সবচেয়ে প্রিয় শিক্ষক হলেন রবী স্যার। তিনি আমাদের বাংলা পড়ান। স্যার খুব ভালো মানুষ। তিনি আমাদের ভালোবাসেন এবং সুন্দর করে পড়ান।

কেন প্রিয়:

বাংলা আমাদের মাতৃভাষা। তাই বোধ হয় রবি স্যার আমার এত প্রিয়। স্যারের কণ্ঠস্বর যেমন মধুর, বাচনভঙ্গিও তেমনই হৃদয়গ্রাহী। তাঁর উচ্চারণ যেমন সুস্পষ্ট ও বিশুদ্ধ, হাতের লেখাও তেমন অত্যন্ত সুন্দর। তিনি কোনোদিন কাউকে শাস্তি দেন না। সকলের সাথে তিনি হাসি মুখে কথা বলেন। তাই তিনি আমার প্রিয় শিক্ষক।

যোগ্যতা ও অভিজ্ঞতা:

আমার প্রিয় শিক্ষক বাংলা বিষয়ে এম, এ, পাস। তিনি এম. এড্ প্রশিক্ষণ গ্রহণ করেছেন। দীর্ঘদিন ধরে তিনি এ বিদ্যালয়ে শিক্ষকতা করে আসছেন।

রবী স্যারের পড়ানো:

স্যার সব সময় ঠিক সময়ে ক্লাসে আসেন। তিনি বোর্ডে সুন্দর করে লেখেন। বুঝিয়ে বুঝিয়ে পড়ান। আমরা যদি না বুঝি, তিনি আবার বুঝিয়ে দেন। নতুন কিছু শেখালে স্যার সহজভাবে বোঝান।

ছাত্রদের সাথে ব্যবহার:

স্যার সব ছাত্রকে ভালোবাসেন। তিনি আমাদের সঙ্গে হেসে হেসে কথা বলেন। আমরা স্যারের সঙ্গে খুব ভালোভাবে কথা বলতে পারি। তিনি রাগ করেন না।

ভাষা ও আচরণ:

স্যারের কথা বলার ভঙ্গি খুব মিষ্টি। তিনি সুন্দর ভাষায় কথা বলেন। আমরা সবাই স্যারের কথা মন দিয়ে শুনি। স্যার আমাদের ভালো হতে শেখান।

উপসংহার: আমি সব স্যারদেরই পছন্দ করি। কিন্তু রবী স্যারকে আমি খুব ভালোবাসি। তিনি আমার হৃদয়ে রয়েছেন।

[MD. IMRAN ISLAM]